

Minangkabau - Samulo Rohhani Untuak Dowa Alkitab - Beginning WP
Scriptures

Alkitab - Confession Scriptures

Matius 6:10 Angkaulah Rajo kami. Kami ma arokkan, Angkau sajolah nan mamarentahi bumi, sagalo parentah Angkau dipatuahi, bakcando di sarugo.

Markus 9:24 Lansuang apak paja tu basorak, "Tuhan, ambo layi picayo, tapi iman ambo lamah. Tolonglah ambo, supayo ambo batambah picayo!"

Lukas 11:2 Mako Isa Almasih bakato kabake pangikuik-Nyo tu, "Jikok angku-angku nak badowa, mako badowalah bakcando iko, 'Bapak, Angkaulah Jehovah nan indak babilang. Angkau sajolah nan disambah, sarato nan dimuliekan.

Yahya 14:6 Isa Almasih manjawab, "Malalui Ambolah jalan untuak dapek tawu jo Jehovah, sarato mandapekkan iduik nan sabana iduik. Indak surang juwo doh urang, nan bisa datang kapado Bapak, jikok inyo indak malalui Ambo.

Yahya 17:15 Ambo indak mamintak supayo Bapak ma ambiak inyo dari dunia ko doh, tapi, nan Ambo mintak adolah, supayo Bapak manjago urang-urang tu, jan sampai digaduan dek si Jahek.

Yakobus 4:8 Dakek-ilah Jehovah, sarato Jehovah pun ka mandakek-i angku-angku. Barasiahkanlah tangan angku-angku, oih angku-angku nan badoso! Sarato janiahkanlah ati angku-angku, oih angku-angku nan bacabang ati!

Roma 6:12-14 Jan dipadiyakan juwo lai doso, manguwasi iduik angku-angku nan indak bara ka lamo ko, supayo angku-angku jan mampaturuikkan juwo kandak ati angku-angku nan jahek. 13 Jan pulolah angku-angku manyarahkan angguato tubuah angku-angku ka bawah pangaruah doso, nan dipagunokan untuak mukasuik-mukasuik nan jahek. Tapi sarahkanlah diri angku-angku kapado Jehovah, sebagai urang nan lah dipindahkan dari mauik kapado iduik. Sarahkanlah diri angku-angku kaciyeck-anryo kapado Jehovah, supayo buliah dipakai untuak mangarajokan kahandak Jehovah. 14 Doso indak buliah doh lai manguwasi iduik angku-angku, dek karano, angku-angku indak lai iduik di bawah paratuaran agamo Yahudi, tapi di bawah rahmaik Jehovah.

Ibrani 9:28 Baitu pulo Isa Almasih, hanyo sakali sajo dipasambahkan sebagai karoban, untuak ma apuih doso banyak urang. Baliau ka datang baliak di nan kaduwo kalinyo, bukan untuak manyalasaikan masalah doso lai, tapi untuak manyalamaikkan urang-urang nan manantikan kadatangan-Nyo.

1 Yahya 1:9 Tapi, jikok kito ma akui doso-doso kito kapado Jehovah, mako Baliau ka manapek-i janji-Nyo, sarato mangarajokan apo nan adie. Baliau

**ka ma ampuni doso-doso kito, sarato mambarasiahkan kito dari sagalo
karajo kito nan salah.**

Ezra 9:7; Daniel 9:8,9; Nehemia 9:2 Confess sins of fathers & rulers.

Ezra 9:13 God not punish as we deserve.

Zabur 24:3,4 clean hands, and a pure heart stand before God.

Yesaya 59:2 sin separates from God.

Yesaya 64:6 our righteousness as filthy rags.

Yeremia 5:25 sin withholds blessings.

Alkitab - Forgiveness Scriptures

Matius 6:12-15 Ampunilah kami dari kasalahan kami, bakcando kami mamaohkan urang nan basalah kabake kami. 13 Janlah dipadiyakan iman kami runtuah, kutiko kami dapek cobaan, tapi lapehkanlah kami dari kuwaso si Jahek. Angkaulah Rajo nan bakuwaso sarato nan mulie, untuak salamo-lamonyo. Amin.' 14 Jikok angku-angku mamaohkan urang nan basalah kabake angku, mako Bapak angku nan di sarugo pun, ka ma ampuni kasalahan angku. 15 Tapi jikok angku-angku indak namuah mamaohkan kasalahan urang lain, mako Bapak angku nan di sarugo pun, indak ka ma ampuni kasalahan angku pulo doh."

Matius 18:21,22 Kamudian si Petrus tibo kabake Isa Almasih untuak batanyo, "Tuhan, jikok sudaro ambo mambuwek kasalahan kabake ambo, sampai bara kalikoh, ambo musti mamaohkannya? Apokoh sampai tujuah kali?" 22 Baliau manjawab, "Indak, indak sampai tujuah kali doh, tapi sampai tujuah puluh kali tujuah.

Matius 18:35 Isa Almasih manyudahi pangajaran-Nyo jo kato-kato nan bakcando iko, "Baitu pulolah Bapak Ambo nan di sarugo, Baliau ka mampabuwek nan sarupo itu pulo kabake satiyok angku-angku, jikok angku-angku indak namuah mamaohkan sudaro angku jo ati nan barasiah."

Markus 11:25,26 Jikok angku-angku badowa, tapi ado raso nan indak lamak di ati angku-angku kabake surang urang, mako andaklah angku-angku mamaohkan urang tu talabiah dawulu, supayo Bapak angkau nan di sarugo ma ampuni pulo doso-doso angkau. 26 Jikok angku-angku indak namuah mamaohkan urang, mako Bapak angkau nan di sarugo, indak ka ma ampuni pulo doh doso angkau."

Lukas 6:37 "Janlah mahakimi urang lain, supayo angkau sandiri jan pulo dihakimi dek Jehovah. Janlah ma ukun urang lain, supayo angkau sandiri, jan pulo di ukun dek Jehovah. Ampunilah urang lain, supayo angku-angku di ampuni pulo dek Jehovah.

Lukas 11:4 Ampunilah doso-doso kami, dek karano, kami layi mamaohkan

**pulo, satiyok urang nan basalah kabake kami. Janlah dipadiyakan iman
kami bakucak, dikutiko kami dapek cobaan.' "**

**Lukas 17:3,4 Dek karano itu, ba ingek-ingeklah! Jikok sudaro angku-angku
babuwek doso, mako paringekkanlah inyo. Jikok inyo layi manyasa, mako
maohkanlah inyo. 4 Jikok dalam sahari, inyo tujuah kali babuwek doso
kabake angkau, sudah tu, disatiyok kali inyo tibo kabake angkau, sambia
bakato, 'Mintak maohlah ambo,' mako bari maohlah inyo."**

**Lukas 23:34 Sudah tu Isa Almasih badowa, "Oih Bapak, ampunilah urang-
urang ko! Indak tantu doh dek inyo ko, apo nan dikarajokannyo ko."**

Pakaian Baliau dibagi-bagi dek urang-urang tu disinan, jo sacaro ba undi.

**Rasul 8:22 Dek karano itu, buwanglah mukasuik jahek angkau tu, mintaklah
ampun kapado Tuhan, supayo pikieran angkau nan jahek tu di ampuni!**

**Roma 4:7 "Babahagialah urang nan sagalo kasalahannya dimaohkan, sarato jo
sagalo doso-dosonyo diampuni dek Jehovah!**

**Efesus 1:7 Karano dek kamatian Isa Almasih, mako kito dimardekakan dek
Jehovah, ba arati Baliau lah ma ampuni kito dari doso-doso kito.**

**Efesus 4:32 Tapi musti sabaliaknyo, andaknyo angku-angku elok ati, samo-
samo ibo ma ibo-i, samo-samo mambari maoh, samo jo bakcando Jehovah
pun lah ma ampuni angku-angku malalui Isa Almasih.**

**Kolose 1:14 Dek Anak-Nyo tu kito lah dimardekakan; ba arati doso-doso kito
lah di ampuni.**

**Kolose 2:13-15 Dawulu angku-angku lah mati sacaro rohani, dek karano
angku-angku badoso, sarato dek indak basunaik sacaro layie. Tapi kiniko
Jehovah ma iduikkan angku-angku baliak, samo-samo jo Isa Almasih.
Jehovah lah ma ampuni sagalo doso kito, 14 sarato lah mambatakan surek
utang kito, nan ma ancam kito jo saraik-saraik nan barek. Jo sacaro
manyalibkan surek tu di kayu salib, Jehovah ma apuihkan kasadonyo
tuduahan taradok kito. 15 Di kayu salib tu, Isa Almasih mamatahkan sagalo
roh-roh nan mamarentah, sarato nan bakuwaso, manjadi indak badayo lai.
Kasadonyo roh tu dijadikan tontonan urang banyak, dikutiko Isa Almasih
ma alau roh-roh tu sabagai tawanan, dalam arak-arak kamanangan Baliau.**

**1 Yahya 1:9 Tapi, jikok kito ma akui doso-doso kito kapado Jehovah, mako
Baliau ka manapek-i janji-Nyo, sarato mangarajokan apo nan adie. Baliau
ka ma ampuni doso-doso kito, sarato mambarasiahkan kito dari sagalo
karajo kito nan salah.**

**1 Yahya 2:12 Ambo mambuwek surek kabake kalian, oih anak-anak, dek
karano doso kalian lah di ampuni, dek karano di Isa Almasih.**